



XALQ DEPUTATLARI BULUNG'UR TUMAN KENGASHINING QARORI

2022 - yil 29 - sentabr

VI-70-160-7-93-K/22

Bulung'ur tuman hokimligi

Tumandagi umumi o'rta ta'lim maktablarining 2021-2022-o'quv yili natijalari, tizimda ta'lim-tarbiya sifatini oshirish hamda 2022-2023-o'quv yilidagi eng ustuvor vazifalar to'g'risida

Tumandagi umumi o'rta ta'lim maktablarining 2021-2022-o'quv yili natijalari, tizimda ta'lim-tarbiya sifatini oshirish hamda 2022-2023-o'quv yilidagi eng ustuvor vazifalar to'g'risida tuman xalq ta'limi bo'limi mudiri Z.Aliqulovaning hisoboti eshitilib, "Mahalliy davlat hokimiyati to'g'risida"gi O'zbekiston Respublikasi Qonunining 6 va 24-moddalariga muvofiq, xalq deputatlari tuman Kengashining yetmishinchi sessiyasi

QAROR QILADI:

1. Tumandagi umumi o'rta ta'lim maktablarining 2021-2022-o'quv yili natijalari, tizimda ta'lim-tarbiya sifatini oshirish hamda 2022-2023-o'quv yilidagi eng ustuvor vazifalar to'g'risida tuman xalq ta'limi bo'limi mudiri Z.Aliqulovaning hisoboti ma'lumot uchun qabul qilinsin.

2. Tuman hokimining o'rinosi (A.Buriboyev), tuman xalq ta'limi bo'limi (Z.Aliqulova) maktab direktori bilan birgalikda:

2022-2023-o'quv yilida tumandagi barcha umumta'lim maktablarida ta'lim-tarbiya va ilm-fan sohalarini samarali tashkil etish va yanada rivojlantirish hamda o'quvchilarning munosib bilim olishlari uchun shart-sharoitlar yaratish;

umumi o'rta ta'lim maktablarida mavjud bo'sh ish o'rinalini doimiy nazoratga olib, ularni malakali mutaxassislar bilan ta'minlash uchun zarur choralar ko'rish;

umumiyl o‘rta ta’lim maktablari o‘qituvchilarining malaka toifalarini oshirish, oliy va birinchi toifali o‘qituvchilar soni va sifatini oshirish bo‘yicha alohida choralar ko‘rish;

ta’lim jarayoniga AKTni keng joriy etilishini ta’minlash, tizimdagi xodimlarning bu boradagi bilimlarini muntazam ravishda oshirilib borilishini ta’minlash;

iqtidorli o‘quvchilar bilan doimiy ishlash orqali ularning fan olimpiadalari, ko‘rik tanlovlari, sport musobaqalaridagi faol ishtirokini ta’minlash;

ta’lim jarayoniga ilg‘or tajribalar, innovatsion texnologiyalarni keng joriy etish;

umumiyl o‘rta ta’lim maktablari artofidagi oziq-ovqat do‘konlarida tamaki va spirtli ichimliklar sotilishi oldini olishga qaratilgan tadbirlarni kuchaytirish;

ta’lim muassasalarida 11-sinf bitiruvchilarini oliv ta’lim muassasalariga kirish ko‘rsatkichlarini kamida 40 %ga yetkazish choralarini ko‘rish, bu borada har bir o‘quvchilar bilan individual ishlash, ota-onalar bilan hamkorlikni to‘g‘ri tashkil etgan holda ish unumdarligini oshirish vazifalari topshirilsin.

3. Tuman hokimining o‘rinbosari (A.Buriboyev), tuman xalq ta’limi bo‘limi (Z.Aliqulova) larga:

umumiyl o‘rta ta’lim maktablarining rahbar xodimlari bilan muntazam ishlab ularning ish unumdarligini oshirish;

maktab rahbarlarining ta’lim sifatiga bo‘lgan munosabatini yanada yaxshilash borasida tizimli nazorat tadbirlarini olib borish;

ta’lim sifati yuqori bo‘lmagan maktab rahbarlari va xodimlariga malaka toifalarini oshirish bo‘yicha chora-tadbirlar ishlab chiqish va mas’ullarga tegishli choralar ko‘rish vazifalari yuklatilsin.

4. Xalq deputatlari tuman Kengashining Ta’lim, sog‘liqni saqlash, madaniyat, sport va ijtimoiy himoya masalalari bo‘yicha doimiy komissiyasiga tumandagi barcha maktablarda ta’lim-tarbiya sifatini nazorat qilish, ta’lim sifati yuqori bo‘lmagan maktablar bilan doimiy ravishda ishlab, samaradorligini oshirishga qaratilgan tadbirlarni o‘tkazish tavsiya etilsin.

5. Ushbu qarorning ijrosini nazorat qilish xalq deputatlari Bulung‘ur tuman Kengashining Ta’lim, sog‘liqni saqlash, madaniyat, sport va ijtimoiy himoya

masalalari bo‘yicha doimiy komissiyasi (Sh.Mamatqulov) hamda ijrosini ta’minlash tuman hokimining o‘rinbosari A.Buriboyev zimmalariga yuklatilsin.

Kengash raisi



S.Astonov